

Zeitschrift: Bündner Schulblatt = Bollettino scolastico grigione = Fegl scolastic
grischun

Herausgeber: Lehrpersonen Graubünden

Band: 65 (2003-2004)

Heft: 3: KidS! - Kreativität in die Schule!

Rubrik: Pagina rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>



Chalender Ladin 2004

Il Chalender Ladin 2004 es dedichà al 100-avel cumplion da l'Uniun dals Grischs. Per quist'ocasiun ha la redacziun müdà il motiv e la grafica da la cuverta. Cun dr. Reto Caratsch vain preschantà ün hom da gronds merits per la defaisa da la cultura e lingua rumantscha. In seis «Program da Schlarigna» (edi in: Reto Caratsch, Ouvras) as chatta propostas per re-fuormas structuralas e strategicas. Gùsta in regard a la structura - chi'd es actualmaing fich actuala - fa el fingià dal 1951 la proposta da tuonar al vegl federalissem grischun, ma sainza ün particularissem stret, e far reviver l'idea da las Trais Lias, ma sainza copchar las fuormas istoricas. Ultra d'üna retrospectiva dals ultims 100 ons UdG cumpiglia il chalender eir üna satira da «La naschentscha e la vita da l'Udeghe», apun-ta dedichada a Caratsch.

Sco fin qua es il chalender però restà popular. In üna blerüra d'artichels descrivan las auturas e'ls autuors fats istorics e da noss dis, eir lectüra divertaivla. Ün artichel ha toc l'actualità sül viv: Puobs sudats. La chadaina da furtüna ha ramassà gùsta da quists dis be precis per quist scopo, per güdar a puobs sudats cun scolaziun e per güdar a tils deliberar da lur trauma.

Preavis 100 ons UdG: Il di da cultura «evenimaint.rumantsch» ha lö als 5 gün 2004 aint il Rondo a Puntraschigna.



Calender per mintga gi 2004

Per la 83avla gada eis el puspei cheu, il calender per mintga gi 2004. Il cuntegn dall'ediziun dalla Renania ei era uonn puspei fetg varionts. Temas sco il calendari, raquens, poesias/teater, art e cultura, per cuorturiala, da temps vargai ed era en memoria ein uonn publicai el calender.

Da retrer ei il niev calender per mintga gi tier las librerias ni tier dunna Giuana Clo-path 7016 Trin-Mulin 081 635 15 59 per il prezi da 12.- francs.

Sulom surmiran 2004

La periodica surmirana cumpeggia calender e litteratura aint igl madem tom.

Ainten la part digl calender descreiva donna Erica Lozza 12 personalitads mundialas cun gronds merets per scienza e cultura. La part principala digl Sulom surmiran stat sot igl tema «gleich» cun tot las sias facet-tas.

Naturalmaintg cuntigna igl Sulom surmiran er otra litteratura e chest onn an spezial dif-ferentas contribuziuns da giuvenils, littera-tura elaborada per la concorrenza da screi-ver «Plema d'aur» u per igl «Curs da screi-ver» da l'Uniun rumantscha da Surmeir.

Calender Romontsch 2004

Il Calender Romontsch cumpara 2004 en sia 145. annada. La redacziun ha Giusep Capaul procurau, l'ediziun la Südost-schweiz Print SA a Mustér. Varga 30 colla-boraturAs han empleniu igl annuari cun contribuziuns zun variadas en prosa e poe-sia. La part tematica sefatschenta cun gron-das midadas en Surselva ord l'optica da treis generaziuns. Descret vegn era co ins ha commemorau en Surselva ed el Grischun impurtonts centenaris. Zacons eveniments e fatgs regiunals vegnan clamai en memo-ria. In bein engarniu calendari e las spartas usitadas arrundeschan la reha purschida. Il Calender Romontsch 2004 ha in volumen da 450 paginas. El ei da retrer da librerias e dils depositaris els vitgs per il prezi nun-midau da frs. 14.70.

Capuns ed in cas criminologic/In nov cudesch per uffants rumantschs

Quest'emna vegn in nov crimi rumantsch sin fiera. Il titel dal cudesch è «Capuns ed il stgazi dals Franzos». I sa tracta d'in cu-desch per uffants dad 8 fin 14 onns.

L'istorgia raquinta dals fragliuns Julia, Lezi e Laina che spendran il stgazi dals Franzos ord las griflas da bandits internaziunals. Il lieu d'acziun è Cumpadials. Ina rolla impur-tanta giogan era ils capuns da l'onda Rosa. Sulet pervi dals capuns vegnan ils trais uf-fants numnadamain da schliar il cas.

Il cudesch è scrit en rumantsch grischun. El è era adattà per creschids che lessan em-prender d'enconuscher ina giada ord in'au-tra optica il rumantsch grischun. Fin uss le-gian ins la nova lingua da scrittira adina mo en la pressa u en stampats uffizials. En il nov crimi ha il rumantsch grischun dentant ina tempru pli miaivla.

Il cudesch custa 22 francs. Ins po retrair el da la Lia rumantscha (telefon 081 / 258 32 22) u da las autras librerias che vendan cu-deschs rumantschs.

Claudia Cadruvi: «Capuns ed il stgazi dals Franzos». Cun illustraziuns da Tresa Depla-zes ed in text accompagnant dad Ivo Ber-ther. 90 paginas. Pretsch: 22 francs. Uz-nach, Glion 2003. ISBN 3-03900-941-9

